




საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მამამთავრიშვილი ოთარ გრიგოლის ძე



ო. მამამთავრიშვილი

მამამთავრიშვილი ოთარ გრიგოლის ძე (11. X. 1924, თბილისი, - 16. II. 1996, იქვე), ქირურგი. მედ. მეცნ. დოქტორი (1969), პროფესორი (1973), საქართვე. მეცნ. დამს. მოღვაწე (1986), საქართვე. სახელმწ. პრემიის ლაურეატი (1984), სამედიცინ. აკადემიის ნამდვილი წევრი (1994).

1948 დაამთავრა თსსი. იყო საქართვე. ჯანდაცვის სამინისტროს მთ. ქირურგი (1976-79), თბილ. ექიმთა დახელოვნების ინ-ტის ქირურგიის I კათედრის გამგე (1980-96).

მ-მა კლინიკურ პრაქტიკაში დანერგა ორიგინ. ოპერაციული მეთოდები კუჭ-ნაწლავის ტრაქტზე, ღვიძლსა და ელენთაზე. აღსანიშნავია ექსტრაპერიტონიზაციის მეთოდი, რ-ითაც ხდება ინფექციის შესაძლო კერის იზოლაცია პერიტონეუმის ღრუდან, რაც პერიტონიტის პრევენციის ძირითადი პირობაა და სხვ.

მ. იყო საქართვე. ქირურგ. სამეცნ. საზ-ბის გამგეობისა (1976-79) და ბელორუსის სამეცნ. ქირურგ. საზ-ბის საპატიო (1978) წევრი. აკად. გ. მუხაძის სახ. ქირურგ. საზ-ბის თავ-რე (1994-96).

მ. არის სამეცნ. ნაშრომების, მ. შ. გამოგონებებისა და რაციონალიზატორული წინადადების ავტორი.

მიღებული აქვს სახელმწ. ჯილდოები.
